

# Назр қадардан ҳеч нарсани беҳожат қилмайди | Сийрат дарслари (304-дарс)



19:00 / 25.10.2024 1408

521. Ҳаким ибн Ҳизом розияллоҳу анҳудан ривоят қилинади:

«Набий соллаллоҳу алайҳи васалламдан: «Эй Аллоҳнинг Расули, бир киши келиб мендан ҳузуримда бўлмаган нарсани сотишимни сўрайди. Унга уни сотайми, сўнгра унга бозордан сотиб олиб бераман», дедим. **«Ўз ҳузурингда бўлмаган нарсани сотма!»** дедилар».

*Абу Довуд, Термизий ва Насоий ривоят қилишган.*

522. Абдуллоҳ ибн Амр розияллоҳу анҳумодан ривоят қилинади:

«Расулуллоҳ соллаллоҳу алайҳи васаллам: **«Кишининг ўзи эга бўлмаган нарсани сотишига йўл йўқ»**, дедилар».

*Абу Довуд, Термизий ва Насоий ривоят қилишган.*

523. Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам айтдилар: **«Назр одам боласига унга тақдир қилинмаган нарсани олиб келмайди, балки назр уни ўзига белгиланган қадарга ташлайди. У орқали Аллоҳ баҳилдан чиқариб олади, холос. Баҳил ўша туфайли олдин бермайдиган нарсасини беради»**.

*Бухорий ва Муслим ривоят қилишган.*

Бошқа ривоятда: «**Назр қилманглар, чунки назр қадардан ҳеч нарсани беҳожат қилмайди. Фақат у билан баҳилдан чиқарилади, холос**», дейилган.

*Муслим ривоят қилган.*

524. Оиша розияллоҳу анҳодан ривоят қилинади:

«Расулуллоҳ соллаллоҳу алайҳи васаллам: **«Ким Аллоҳга тоат қилишни назр қилган бўлса, У зотга тоат қилсин. Ким У зотга осий бўлишни назр қилган бўлса, Унга осийлик қилмасин»**, дедилар».

*Бухорий ривоят қилган.*

***Расулуллоҳ соллаллоҳу алайҳи васаллам» китобидан***

Ушбу китоб Ўзбекистон Республикаси Дин ишлари бўйича қўмитанинг 2022 йил 30 ноябрдаги 03-07/9078-рақамли хulosаси асосида чоп этилган.